



نخيل نيوز / مصر

رد الفنان المصري محمد فؤاد على تصريحات منسوبة لمواطنه محمد هنيدي، حول الغيرة التي وجدها منه بعد نجاحه في فيلم "إسماعيلية رايج جاي"، معرباً عن أسفه لسماع تلك التصريحات من هنيدي.

وقال «فؤاد»، خلال حوار مع الإعلامية بسمة وهبة، مقدمة برنامج «العرافة»: إيه الجو المسمم ده. بقى يطلع منك الكلام دا يا هنيدي. يا راجل راعي العيش والملح وتعبي معاك في الفيلم. دا أنا اللي خليتك تلتزم، وفلوسي حتى الآن ما أخذتهاش من فيلم إسماعيلية رايج جاي، وكنت بصرف على المنتجين اللي فلسوا.

وتابع محمد فؤاد: أنا أغير منك يا هنيدي عيب. اتقي الله.. هو أنا جايبك معايا الفيلم عشان تفشل. بحبك يا هنيدي وقسماً بالله معرفش أغير منك.

وأردف محمد فؤاد: عبد الحليم حافظ كان أهم عنصر في فيلمه هو عبد السلام النابلسي. راعي يا هنيدي تعبي معاك في فيلم إسماعيلية رايج جاي. ده أنا كنت بصحيك عشان تيجي تصور. والفيلم ده أنا دافع فيه 500 ألف جنيه.

وأضاف محمد فؤاد: أنا مش بغير من حد ومفيش حد أغير منه. أنا كرهت فيلم إسماعيلية رايج جاي عشان لاقيت في حروب نجوم. أنا اللي قايل لـ هنيدي يضحك الناس إزاي في الفيلم.

كما تحدث الفنان محمد فؤاد عن عملية تكميم المعدة التي خضع لها مؤخراً، قائلاً: ليه الناس بتخبي إنها بتعمل عمليات تكميم.. وعمرى ما دخلت غرفة العمليات وخايف عشان سلمت أمري لله. ومقولتش لأولادي أنني هعمل العملية.

نخيل نيوز

وعن حلقاته في برنامج رامز نيفر إند، الذي يقدمه الفنان رامز جلال، أضاف: معرفش إنه هيتعمل فيا كده في مقلب رامز. الفخ بيكون مرسوم أن الضيف مش عارف المقلب. وأي حد يقول أنه مش عارف رايح لرامز بيمثل..هما كانوا عارفين أنني عامل عملية.. ودراعي كان هيتكسر.